

Wäni einisch alt bi

Wäni einisch alt bi, wetti chönnä z'friedä sii,
z'friedä sii mid jedem Wäg woni i mim Läbä gangä bi.
Wett zrugg luegä und sägä: „Äs isch richtig gsi äso,
dr Herrgott hed mid gfüert und äs isch guet usächo.“

**Refrain: Jedä Tag vo mim Läbä wotti dich, Herr, bimer ha,
 au dä wäni einisch alt bi und gar mängi Runzlä ha.
 Ich wott dier vertruuä bis a mis Läbesänd,
 drumm gib ich dier hüt scho mis Läbä i dini Händ.**

Wäni einisch alt bi, wetti sii wenä Baum mid Wurzlä dra,
wett standhaft mid bedä Füess ufm Bodä stah.
Wett mid Wiisheit verzellä we z'Läbä so cha sii,
vom Sturm und vom Rägä und au vom Sunnäschi.

Refrain:

Herr, wäni einisch alt bi, gäll chusch dä zu mier,
niisch mi bidr Hand und füersch mi Hei zu dier.
Gäll chusch dä, wänns Ziit isch, und machschmr d'Augä zue,
schänkschmr dr ewig Friedä und diä ewig Rüh.

Refrain: